

四部文明

西安曲江文化產業投資集團支持

文懷沙 主編

商周文明卷



(十八)

陝西震旦漢唐研究院 編纂
陝西人民出版社

四部文庫

文懷沙主編
商周文明卷

十八
陝西震旦漢唐研究院編纂
陝西人民出版社

「商周文明卷」十八



十三經彙函十二

公羊傳

唐石經本春秋公羊傳十一卷

春秋公羊經傳解詁十二卷

春秋公羊傳注疏二十八卷

穀梁傳

唐石經本春秋穀梁傳十二卷

春秋穀梁傳十二卷

春秋穀梁傳注疏二十卷

「漢」何休撰「唐」陸德明音義 二〇一—三〇六

「漢」何休注「唐」徐彥疏 三〇七—四六一

三一—一九九

「晉」范甯集解 六五一—七三五

「晉」范甯注「唐」楊士勛疏 七三七—八二六

四六三—六四九

十二經彙函十二



荀煥公

羊傳



漢司空掾任城樊何休序

昔者孔子有云吾志在春秋行在孝經此二學者聖人之極致治世之要務也傳春秋者非一本據亂而

春秋筆傳卷一

二顧思堂

作其中多非常異義可怪之論說者疑惑至有倍經任意反傳違戾者其勢雖問不得不廣是以講誦師言至於百萬猶有不解時加釀嘲辭援引他經失其

句讀以無爲有甚可閔笑者不可勝記也是以治古學貴文章者謂之俗儒至使賈逵緣隙奮筆以爲公羊可奪左氏可興恨先師觀聽不決多隨二創此世

春秋筆傳卷一

二顧思堂

之餘事斯豈非守文持論敗績失據之過哉余竊悲之久矣往者略依胡毋生條例多得其正故遂隱括使就繩墨焉

春秋公羊經傳解詁隱公第一



何休學

元年春王正月元年者何
君之始年也春者何歲之
始也王者孰謂謂文王也
曷爲先言王而後言正月
王正月也何言乎王正月

春秋公羊傳卷一

三
百忍堂

大一統也公何以不言即位成公意也何成乎公之意公將平國而反之桓曷爲反之桓桓幼而貴隱長而卑其爲尊卑也微國人莫知隱長又賢諸大夫扳

隱而立之隱於是焉而辭
立則未知桓之將必得立
也且如桓立則恐諸大夫
之不能相幼君也故凡隱
之立爲桓立也隱長又賢
何以不且立立適以長不

春秋公羊傳 卷一

四
百忍堂

以賢立子以貴不以長桓
何以貴母貴也母貴則子
何以貴子以母貴母以子
貴三月公及邾婁儀父盟
于昧及者何與也會及暨
皆與也曷爲或言會或言

及或言暨會猶最也及猶
汲汲也暨猶暨暨也及我
欲之暨不得已也儀父者
何邾婁之君也何以不名
字也曷為稱字褻之也曷
為褻之為其與公盟也與

春秋公羊傳卷一

五 爾忍堂

公盟者衆矣曷為獨褻乎
此因其可褻而褻之此其
為可褻奈何漸進也昧者
何地期也夏五月鄭伯克
段于鄢克之者何殺之也
殺之則曷為謂之克大鄭

伯之惡也曷為大鄭伯之
惡乎欲立之已殺之如勿
與而已矣段者何鄭伯之
弟也何以不稱弟當國也
其地何當國也齊人殺無
知何以不地在內也在內

春秋公羊傳卷一

六 爾忍堂

雖當國不地也不當國雖
在外亦不地也秋七月天
王使宰咺來歸惠公仲子
之賵宰者何官也咺者何
名也曷為以官氏宰士也
惠公者何隱之考也仲子



者何桓之母也何以不稱夫人桓未君也贈者何喪事有贈贈者蓋以馬以乘馬束帛車馬曰贈貨財曰賻衣被曰襚桓未君則諸侯曷爲來贈之隱爲桓立故以桓

春秋左傳卷一

七 爾忍堂

母之喪告于諸侯然則何言爾成公意也其言來何不及事也其言惠公仲子何兼之兼之非禮也何以不言及仲子仲子微也九月及宋人盟于宿孰及之內之微者也

冬十有二月祭伯來祭伯者何天子之大夫也何以不稱使奔也奔則曷爲不言奔王者無外言奔則有外之辭也公子益師卒何以不日遠也所見異辭所聞異

春秋左傳卷一

八 爾忍堂

辭所傳聞異辭

二年春公會戎于潛夏五月莒人入向入者何得而不居也無駭帥師入極無駭者何展無駭也何以不氏貶曷爲貶疾始滅也始

滅昉於此乎前此矣前此則曷爲始乎此託始焉爾曷爲託始焉爾春秋之始也此滅也其言入何內大惡諱也秋八月庚辰公及戎盟于唐九月紀履緌來

春秋左傳卷一

九節忍堂

逆女紀履緌者何紀大夫也何以不稱使婚禮不稱主人然則曷稱稱諸父兄師友宋公使公孫壽來納幣則其稱主人何辭窮也辭窮者何無母也然則紀

有母乎曰有有則何以不稱母母不通也外逆女不書此何以書譏何譏爾譏始不親迎也始不親迎昉於此乎前此矣前此則曷爲始乎此託始焉爾曷爲

春秋左傳卷一

十一節忍堂

託始焉爾春秋之始也女曷爲或稱女或稱婦或稱夫人女在其國稱女在塗稱婦入國稱夫人冬十月伯姬歸于紀伯姬者何內女也其言歸何婦人謂嫁曰



歸紀子伯莒子盟于密紀子
伯者何無聞焉爾十有二月
乙卯夫人子氏薨夫人子氏
者何隱公之母也何以不書
葬成公意也何成乎公之意
子將不終爲君故母亦不

春秋左傳卷一

士師忍堂

終爲夫人也鄭人伐衛
三年春王二月己巳日有
食之何以書記異也日食
則曷爲或日或不日或言
朔或不言朔曰某月某日
朔日有食之者食正朔也

其或日或不日或失之前
或失之後失之前者朔在
前也失之後者朔在後也
三月庚戌天王崩何以不
書葬天子記崩不記葬必
其時也諸侯記卒記葬有

春秋左傳卷一

士師忍堂

天子存不得必其時也曷
爲或言崩或言薨天子曰
崩諸侯曰薨大夫曰卒士
曰不祿夏四月辛卯尹氏
卒尹氏者何天子之大夫
也其稱尹氏何貶曷爲貶

譏世卿世卿非禮也外大夫不卒此何以卒天王崩諸侯之主也秋武氏子來求賻武氏子者何天子之大夫也其稱武氏子何譏何譏爾父卒子未命也何以

春秋左傳卷一

宣公忍堂

不稱使當喪未君也武氏子來求賻何以書譏何譏爾喪事無求求賻非禮也蓋通于下八月庚辰宋公和卒冬十有二月齊侯鄭伯盟于石門癸未葬宋繆公葬者曷爲

或日或不日不及時而日渴葬也不及時而不日慢葬也過時而日隱之也過時而不日謂之不能葬也當時而不日正也當時而日危不得葬也此當時何危爾宣公謂繆

春秋左傳卷一

宣公忍堂

公曰以吾愛與夷則不若愛女以爲社稷宗廟主則與夷不若女盍終爲君矣宣公死繆公立繆公逐其二子莊公馮與左師勃曰爾爲吾子生毋相見死毋相哭與夷復曰



先君之所爲不與臣國而納國乎君者以君可以爲社稷宗廟主也今君逐君之二子而將致國乎與夷此非先君之意也且使子而可逐則先君其逐臣矣繆公曰

春秋公傳卷一

十五
顧思堂

先君之不爾逐可知矣吾立乎此攝也終致國乎與夷莊公馮弑與夷故君子大居正宋之禍宣公爲之也

四年春王二月莒人伐杞

取牟婁牟婁者何杞之邑也外取邑不書此何以書疾始取邑也戊申衛州吁弑其君完曷爲以國氏當國也夏公及宋公遇于清遇者何不期也一君出一

春秋公傳卷一

十六
顧思堂

君要之也宋公陳侯蔡人衛人伐鄭秋翬帥師會宋公陳侯蔡人衛人伐鄭翬者何公子翬也何以不稱公子貶曷爲貶與弑公也其與弑公奈何公子翬諂

乎隱公謂隱公曰百姓安
子諸侯說子盍終爲君矣
隱曰吾否吾使脩塗裘
吾將老焉公子翬恐若其
言聞乎桓於是謂桓曰吾
爲子口隱矣隱曰吾不反
也桓曰然則奈何曰請作
難弑隱公於鍾巫之祭焉
弑隱公也九月衛人殺州
吁于濮其稱人何討賊之
辭也冬十有二月衛人立
晉晉者何公子晉也立者

何立者不宜立也其稱人
何衆立之之辭也然則孰立
之石碣立之石碣立之則
其稱人何衆之所欲立也
衆雖欲立之其立之非也
五年春公觀魚于棠何以
書譏何譏爾遠也公曷爲
遠而觀魚登來之也百金
之魚公張之登來之者何
美大之之辭也棠者何濟
上之邑也夏四月葬衛桓
公秋衛師入盛曷爲或言



率師或不言率師將尊師
衆稱某率師將尊師少稱
將將卑師衆稱師將卑師
少稱人君將不言率師書
其重者也九月考仲子之
宮考宮者何考猶入室也

春秋公羊傳卷一

左爾忍堂

始祭仲子也桓未君則曷
爲祭仲子隱爲桓立故爲
桓祭其母也然則何言爾
成公意也初獻六羽初者
何始也六羽者何舞也初
獻六羽何以書譏何譏爾

譏始僭諸公也六羽之爲
僭奈何天子八佾諸公六
諸侯四諸公者何諸侯者
何天子三公稱公王者之
後稱公其餘大國稱侯小
國稱伯子男天子三公者

春秋公羊傳卷一

左爾忍堂

何天子之相也天子之相
則何以三自陝而東者周
公主之自陝而西者召公
主之一相處乎內始僭諸
公昉於此乎前此矣前此
則曷爲始乎此僭諸公猶